

Ngaa Ritenga Mahi moo Te Tirohanga Maataitai HGF

Titiro mai: he tikanga kotahi teenei moo te tiro maataitai, araa atu anoo ngaa tikanga whai take.

1. Whakamahia he rau puukete raraunga hooou moo ia waahi tirohanga i runga i te tiipokatanga.
2. Tuhia te ingoa o te roopuu, o te kaituhi, o te waahi tiipoka me te ira waahi (te puu me te tau i te kara), i te rau puukete raraunga.
3. Tiro tiro ki mua ki muri i a koe ka whakapuukete ai i ngaa mea ka kitea e koe i te waahi tango taatauiria i te pouaka 'Whakamaarama moo te Waahi'. Me whakapuukete hoki te momo rarokirinuku/me aata tiro tiro toona hanga me ngaa otaota o runga (ina koa, te otaota moana, te puukohu wai), hei whakaoho i te hunga whai waahi mai kia whakaaroaro moo ngaa tikanga waahi noho maa te maataitai.
4. Poua matapookeretia too puutapawhaa – i roto i te 2 mita o te pou tiipokatanga.
5. Aata tohua te huahua puutapawhaa maa te tuhi haere ki te one, huri noa i te tapa whakawaho o te tapawhaa ki too kaaheru iti.
6. Whakamahia te kaaheru iti hei tiipako i too taatauiria i roto i te huahua puutapawhaa, kia 10 henimita pea te hohonu, ka hoatu ai i ngaa keringa katoa ki roto i te tapawhaatanga.
7. Rurea te puutapawhaa kia pai ai te taatari, me te riringi mai i teetehi paakete wai ki roto hei horoi atu i te one me te paru.
8. Tangohia ngaa toka, ngaa koohatu me ngaa anga (mate) mai i te puutapawhaa.
9. Koomakatia ngaa momo maataitai ora o roto, ka tautohu ai i te katoa.
10. Tauria, inea hoki ngaa tuangi me ngaa pipi ora katoa ki te puurere ine. Ahakoa kei te ora eetehi tuangi/pipi ki te tiro tiro atu, kua mate kee, naa reira kia mataara ki ngaa otaota aahua kaakaariki ka ngana ai ki te huaki kia kitea ai meenaa kei te ora kua mate raanei.
11. Whakamahia he puunaha tatau hei whakapuukete i te maha o ngaa tuangi/pipi i te rau raraunga ka whakatoopuu ai.
12. Tauria katoatia ngaa momo maataitai ora katoa atu, me te aata whakapuukete e hia i te rau puukete raraunga. Ki te kore koe e kite i eetehi maataitai, tuhia kore, kaahore rawa raanei, kia maarama ai kua oti teenei waahi te taatauiria.
13. Whakahokia ngaa koohatu, ngaa anga me ngaa koiora ora ki te rua tango taatauiria i mua i too whakapuukete i ngaa mea katoa.
14. I mua i too nuku ki te waahi tango taatauiria panuku aata tirohia kua whakapuuketitia e koe ngaa moohiohio KATOAA.
15. Tohaina ngaa mahi katoa (ina koa, te kaituhi rau raraunga, te kaiwhakakii paakete wai, ngaa kaikeri one, ngaa kaitaatari, te kaikoomaka maataitai, te kaitautohu maataitai, te kaitatau me te kaiine) ina nuku koe ki teetehi waahi tango taatauiria hooou.
16. Aata tirohia he pai te tootika o ngaa raraunga maa te arotake i te ine me te tuhi puukete a te tangata, tirohia hoki kua hoatu te ingoa o te kaituhi i runga rawa o te rau puukete raraunga.
17. Paatai atu ki ngaa kaimahi tautoko o te Huihuinga Tautoko o Tiikapa Moana moo eetehi aawhina moo ngaa tohutohu me te whakautu paatai.
18. Unuhia te pou tiipokatanga ka hari atu ki a koe, kia oti too mahi tango taatauiria i ia waahi, i ia waahi

Kia oti ngaa mahi tirohanga

- Tirohia ngaa rau puukete raraunga i runga i te hohoro kia moohio ai kua pai te whakapuukete i ngaa moohiohio katoa.
- Whakahokia mai ngaa pou tuutohu me eeraa atu taputapu (te puutapawhaa, te kaaheru iti, te raakau ine, te papa karapine/ngaa rau) ki te waahi huihui.